

## PHOTO SECTION :

S.Kotlian kochuam kigawpkhawmna ah, Moderator hun mat lai.

60<sup>th</sup> Annual Session, Kangvai P.C ah K.S.P Moderator kikhutsanna

Piting Sunday Skul Teachers Training na' Trainer Rev. Lallarmawia



PWF (KSP) Golden Jubilee Souvenir Rev. S.T. Kaia in a hawmna

Editorial.. **DAMNA AW kipat dan chawmkim :**

Puihuaitu Pathian zalin I pawlpi uh KSP in kum 60 mel dawium tak mai amu tak nung ah, Pathian Kochuam dang te tawh te ah a chualchum zaw diak ihi sam puau ti su lang zel in, a 60veina Annual Session vaihawmna chun masang ah News Letter ti ah ala ki sua sek chu sut zawm kit ding in thupukna ala nei ta, Zia ding ah chun maphutu ding leh bawzui tu ding te guat na nei in, zia vaihawmna chun mawpuak na apiak tawh kitawn in, KSP Office Bearer te mapui na nuai ah gen khawm ah um in, zia ah ki genkhawmte chu KSP 2<sup>nd</sup> Standing Committee Dated 12<sup>th</sup> January 2018 (Fri) ni ah pawlut to in, pawmpiak na ala um tak tawh kitawn in tuni hin zia gual tiang hi itung to thei tau in, lungdam aum mama hi.

Standing Committee na ah report piaklut ah ala um ban ah pha ah pawm ala hite chu :

- (i) News letter chu thasin ah sua zing ding;
- (ii) News letter ala kiti sek chu Damna aw ti hi ta hen.
- (iii) Annual Subscription fee ding in ₹. 100/-, Thasin ah Copy 1 ah Cheng 10 hintin, First issue free ding a hi.
- (iv) Editorial Board ding in Pro. Pastor Seilunlal, Upa P.Siama leh Mr. Pauneithang lak be ahiau.
- (v) Patron member ding chu Editorial Board khut ah kaw ihi.

Zia point 5 te sia hi tawsaisan in Pathian hatna bep suang in seppi te tawh ma ka hun phu ua, tu hin zia chu ga sua sak thei ding in I um panta, kipak a um mama hi. Puihuaitu Pathian min lopi chu chawisan in um hen!

Zia Damna Aw hi Khawvel ah khawsa zing nalai ei uh kuama sap Kumtuang ah Pa kiang ah chawldam suak ngei ding ah leisiat ah le damna pha ah I dam chiat ua, Kumtuang ah dam zing ding ah iki dawisak nau thu te bep kisua zing leh

ti duthusam ahi zing lai in, I pawlpi mamaw pen lak ah khat, Kochuam thu kihalattua na aw suak ahi zel gual ma in, nisin hun sin ah I Presbytery/pawlpi kalchawidan genlatna awsuak ah imat zel ding uh chu a hilo theilo ala hi zia in kochuam thilsuak leh thilsuak zelding te thei dandan ah GENLATNA AW in I mang to zel ding uh ahi. Pathian siamsa mihiamte kuama khenchuan inei puau ah, Khrista zal ah unau vek ihi dan uh I chawisang zing nuam ah, I chawisang zing ding uh ahi.

Tuchung issue hi a masa pen ahibep lo ah, kochuam sung ah kihalattua ding thu pawimaw atam bek zia in zia lam ngawn thim chun i chia phawt ua, Pathian lem tipi kinem in hun kit tak leh Sermon lam in chia deu ta ding ihiu ti le iki hiatthiam tua ding un ka hun gen lang kit hi.

Chuti zinglai ah chun zia I **DAMNA AW** uh hatto zel na ding leh a hung lawtin to zel na ding ah mawpuakna chu Kochuam ah nu gun pagun taktak te'n ei mau khut ngei ah kinga ahi ti hemil mailo in, Editorial Board te bep ngansia mailo in, ei uh a ahi ngei nai ti suklat na in I thei dan chiat un, aki sua sin leh ila chaw/subscribe un thu manpha taktak te le I tuakkhawm zel ding uh ahi. Chia khial thei, zik khial thei, he khial thei leh bawzui khial thei zing leisiat mihiam ihi nalai ui ti hemil lo in, zia gual dinmun nuamlo te achunle hung ding ngei hitiu ti I ging cha, i lauthawng puai, ahinla Pathian chate sak ah i um tak gual un zia hun tak chu leh le ki maww etthaw mai lo ah, Pathian min lopi chawisan na ding ah thei dan chiat in kisawmdawl tua zel hitiu in, Damna Aw tak in ki hotua zel hi tiu ti hi ka duthusam pen uh chu ala hi. Zia haw chungchuan ah chun, Regular Subscriber bep hi mai lo ah, Pathian zal ah dinmun pha inei teu tawh, zia I Damna Aw uh hi panpi thei na leh chawisan thei na lampi pha pen um chu Patron member leh Supporting Member te a hi dungjui in dawisak na lam chuamchuam in pan lakhawm hitiu ti chialna leh ngekna le kahun nei ngal uh ahi. Lalpa'n I mau ei puihuai zing ta hen!

## DAMNA AW PATRON/SUPPORTING MEMBER DING HAWLNA:

Pathian mapui na zal ah tu ah melthak ah I mu thei tak uh DAMNA AW hi Ama chanchinpha thezakna chikhat ah kochuam gam ah mang nuam ihi na dawl un, vak et ah le kilawm deu ah bawldaw zel hi kua masap i duthusam uh ahi tawh kitawn in sum leh pai ah kitodel zo ziang tadi lo ding ahi zia in, panpi thei na lam chuamchuam hung ki hawng zel ding ahi na tawh kitawn in, tu leh tu hin Patron Member ding nugun pagun tawmngai taktak te lak ah hawl ahia, Kum 3 (thum) sung ading ah Patron Member hi thei na ding in sum in ₹. 2,000/- (Two thousand only) piak thei ahi.

Chun, Supporting Member a ding in ₹.1,000/- (One thousand only) piak in kumthum sung Supporting member hithei ding ahi.

Zia Member kigente hi Pathian Lalgam na isepkhawm zel lai ua I kochuam in I matchak pen uh DAMNA AW dawisakna sangpen tawh phungvuktu ahi zia un, a min uh manglo ah suklat ahi zing thei na ding lampi hun ki ngaitua zel ding ahi. Lalpa'n lawting ngei ding in I mau ei pui zing tau hen!

### ZAWLNEI KAMSUAK

Aw hung gi chun: Gamthip ah Lalpa lamlian ding bawl tup unla, gamkeu ah chun I Pathian a ding in lamlian bawl zang un, Guam kuak zosia vuk san hi henla, mual leh tang zosia suk niam hi hen; a lei kituaklo nate chu siam tuak hihen la, aphawtna te chule suknam hi hen.

Zia phat chu leh, Lalpa laina chu hung kilang ta'n tin, mi zosia'n zia chu hun mu chiat ta'n au, ti'n Lalpa kam in ala gen ta ngal ah.

*Isaia 40:3-5*

## O B I T U A R Y :

Pathian lalgam na I la sep khawm pi uh Upa Thangkholal in a nasep lai khawk tak te Pathian a neitu in hun ta hen ati tak dungjui in nisim 29<sup>th</sup> January 2018 ni'n Lopi na gam ah chawl ta ding in a leisiat hinkhua bei ta in ei la nusia tai. Kochuam te'n I sun takzet ui.



Min : Upa THANGKHOLAL , Kum 76  
 Pa min : (L) Lalzahan  
 Pianni : 15<sup>th</sup> January 1942  
 Nu min : (L) Tingnem  
 Zi min : (L) Neiniang  
 Kichenni : 13<sup>th</sup> Nov. 1964  
 Baptisma chan kum : 1953  
 Baptisma chansaktu : Pastor Nengthawn  
 A gawmtu : Pastor Nengthawn  
 Kochuam Upa Ordination Channi : 13<sup>th</sup> Dec, 2015  
 Ordination Chansaktu : Rev. Siana Phaltual  
 Thini : 29-01-2018

## SEMINAR PAPER :

**Thupi -**

**“DAKBAWM(Envelop) KHANTOUNA DINGA MALAKNA DING PAWIMAWTE”**  
 ~ Upa Khomlunlal

**Dakbawm(Envelop) tawh kisai ah mawpuakna :-**

- 1) Pastorte mawpuakna - Dakbawm i chiapi zing uhi, a lawtinna dinga mawpawtu masapen chu Pastorte a hui. Bialsung ah kitup taka mat ahi theina ding in a kansui zing ding uh a hi. A manglo a um chun, amat thei na ding ua pan alak ding uh a hi. Chuleh, mat ahizing lai ah le, Pawlpi(KSP) dawi dan ah mat ahileh hilou a etsui zing ding uh a hi.
- 2) Upa te leh Tual Upate mawpuakna - Upa te leh Tual Upa ten Bial siam in, Insuan tin ah Dakbawm(Envelop) a hawm ding uh a hi. Hawitak ah bial a taw zing ua, a vil sek ding uh a hi. Pathian gam leh Tuasung Column mat dingdan hethiamlo a um leh mimal leh kochuam dawidan ah hilo in, Pawlpi (KSP) dawidan kawkmun in a hil thiam ding uh a hi.
- 3) Insuantin te mawpuakna - Upa te leh Tual Upa ten ahildan dungzui un Insuan tin ten Dakbawm(Envelop) amangcha ding uh a hi. Pathian nasepna matchak chikhat ahidan hemil lo ah a bit/him thei di pen ah kem in a daidawp ding uh a hi.

Dakbawm (Envelop) hi kochuam leh mimal in nawp leh matlo mai dinga siam ahi pua, mat ngei ding, phatchuampi ah lawtin pi ngei dinga siam a hi. Pathian nasep na chikhat ahia, diktak ah chiapi ding a hi. Mang phachuam ah diktak ah chiapi thei kochuam i hi theina ding un Pastorte, Upa te leh TualUpa ten ei guattu Pathian na hi, diktak ah sem in, mipiten le thu-awi tak ah zui leu

hin, Pathian gam hung zau zel tana.

Chuleh, Centralised Policy chiapi kochuam i hiu ah, Local kochuam sanga Pawlpi a lianzaw kawi ah, bulpi lam thusuak ngaikhawk ding ahi. Mi kuanle bulpi lam thusuak a ngaikhawklo chun, bulpi lam a khan ding gual in khang puantin, ngaikhawklo-tu'n le khantouna mu diak puana. A bul ahung det ah, law butlo ah ahung um phat leh a bakzam te chu alotheilo in aga hung hoi mai ding a hi. Ziakachun, bullam ngaikhawkna zilthak ah, sukpitin hi kochuam ten i ngaituana thupipen ahi ding a dawu um hi. Chuleh, Pathian in a bulpi chu a din ahia, ziaziakachun bullam thusuak zui theilo chu sualna chikhat a hi.

Pawlpi (KSP) in malam thilzing kawm ah, zia Dakbawm(Envelop) hi a thei lai sia chiapi zing ding in lem ei guatpiak ahi tak tawh kiton in, mangthei nailo kochuam ten mangthei ta ding leh mangthei kochuam tenle i matdan teu a dik na em..? ti ki ngaitua in malam sawn zel ding in kisingsa'i ti'u. Lalpa'n simtute Dakbawm(Envelop) zui dik thei ding in malsawm ta hen.

*“Zia achung ah article hi Upa Khomlunlal (Immdte Ex Moderator) in KSP huapsung ah District 4 (pali) te ah present ala bawl ahia, Kochuam te'n I phatchuam pi chiat uh kineppi na tawh , zia hin avel I sua kit uh ahi.”*

### THILPHA HI DING AH :

Thilpha hi ding ah Khrista Jesu ah chun siam ah um in, ama khutsuak I hi ngal un, zia thilpha hi chu I khawsak dan ding ua Pathian in a siam khawlsa ahi. (Ephesa 2:10) Zia gual ma chun, la vak uh chu mite mitmu in vak ta hen; tichun la thil hi phatteu chu mu'n , van ah la pau chu chawihawi thei in au.

**Mathai 5:16**

### ARTICLE KONA :

Pathian lem tipi kinem ah thasin ah sua zawm zel ding lunggel pi pen ah i nei zing lai ua hin, Pathian in hunpha ei piak te matdan thiam in, zia i DAMNA AW ua sua ding ahin Gen ah gensenlo, Sak ah sakzaw sen lo, Lemguattu mak leh lamdang Pathian thu phataktak te bangtik lai in le a pawimaw zing ah. Zia gual thu manpha taktak te chu Unau nang in le Gitlo saltang kihedawk nailo leh kihemil ta Ginna ah i u nau te lainat na tawh hun thaw ve lo ding la hem?

Article manpha taktak leh Sermon phataktak te tuak-khawm ding in Editorial Board apat in chialna leh ngekna ka hun nei ui.

**~~Editorial Board.**

### NGAIDAN LEH DAWISAK THU PIAKLUT ZING THEI:

Thilpha zosia sep ziangthei ahi sek puai ti chu nialna bei ahi gual ma in, I 'DAMNA AW' uhi kitup zaw ah sua daw kinuam ahi na in ngaidan phataktak te mun dang ah gen ziang mai lo ah, Editor ahilo leh board member te kiang ah bangtik lai in le agen thei zing ah, zia chu Board te duthusam le ahi him ahi. Chun, Special column, tichu, District wise Activities Column/Bial Pastor's Diary/Fellowshipte Column etc. kawichuam aki lunggel laitak ahia, ngaidan ngak khawm ahi zing hi.

**~~Editorial Board.**



## 2. Jubilee lawtinna dinga pan latute :-

### (i) *Khawtual kochuam te leh District te -*

Khawtual kochuam te leh District te pankhawmna zal in Hall kilawmtak eisak piak un, nek leh chak lam ahinle khawtual ten kiningting tak leh feltak in a bawl un chuleh khanglai lam te le a mawpuakna teu kitup tak ah pan alak na chung un malzin ten le nuamtak in khawmpi a mang thei ui.

### (ii) *Nek leh Chak lam tawmngai hungsuate -*

Nek leh Chak lam kiningting tak ah mat thei ahina zia chu Bawng leh Vokcha mi tawmngai ten ahun tuak un, Anchang nek ding zosia chu khawtual ten a tuak un, mimal inle tuak thei dan chiat ah ahun tuak ban ua, KSP nu leh paten le panpina ahun tuak zia ua lawting tak ah mat zaw thei ahi. Jubilee matna ahin KSP huapsung ah tha leh zung leh sum leh pai ah panglo kuama i umlo uh ahi. KSP sung bep genlo in kochuam dang ah ala um te apat ale panpina ahun piak zia ua lawting ahi zia kin le amau haw chung inle kipakthu gensenlo PWF in a kiba ahi.

Zia khawmpi hi lawting tak ah matzaw himaleh PWF lam apat bawl ding dawl bawl khaklo tamtak um ding ahi zia kin zia haw zosia chu Pathian min ah ei ngaidam ding in ka hun don uh a hi.

Lalpa thagau zia bep ah Jubilee mang zou thei i hi zia kin un, ei pui zingtu Pathian chu lopina changta hen.

Report petu,

**Mrs. Tingnu,**

Full Time Secretary PWF (KSP)

## 60<sup>th</sup> KSP ANNUAL SESSION HUN AH THU PAW- IMAW ALA KIGEN KHAWM TANGPI TE:

### SUNNA hun mat ala hi:

Lalgam na I la sepkhawmpi zing uh Upa Suanpau, Saipum Kochuam, Dt. 8/1/17 ni ah ei la liam san ta sunna hun mat ahi. Zia hun achun Upa Kaihau in khawvel gam ah ei nutsia te bak ah a insung mi te ading bik ah thamuanna pauchapna ala nei hi.

### NEWS LETTER THU :

Kum bangzat ahem ala chawlta News Letter suk hin kit ding thu ngun tak ah gen khawm ahi nung in Editorial board thak din daw ding ah phasak ala hi tai. Rev. Siana Phaltual leh Upa P.Boijoy te gel chu Chief Editor leh Editor hi gel ding in guat na le aki nei ngal ah, amau gel in alem chan hun masa pen ua Standing hiatpi ah Editorial Board ala form ding ua phasak ahi.

### KSP MODERATOR DING THU :

Kum zia chan ila chia dan ua Presbytery ah Moderator ding ah ila kitawl sek dan uh ngun tak ah ngaitua khawm ahia, Thulut ah ‘KSP Moderator hi Upa leh Minister te rotation hi da ta leh’ ti thu chu Session in nguntak ah angaitua nung in KSP ah vaihawmna sangpen ah kichu Moderator ding chu Kochuam Upa leh Pastor te lak ah kitawl um talo ah a tit pen in atit dung zui ah dawisakna achan dungzui ah atuktak ding ah phasak ala hi tai.

### NAU HUALLAWK THU AH :

Kochuam sung ah khenkhat in nau huallawkna/Nau latna ila nei sek pen uh chu, Kochuam tamzaw ten ila chia pi taklo dung

zui un, chia dan kigual zawk na ding dawisak na zia in, atamzaw chiadan ah umsak taklo ding ah Session chun pha ala sa tai.


### NSSU LEH KKP KHAWMPI A CHUAM GEL AH NEI HITADI:

60<sup>th</sup> Annual Session chun kumsin ah KKP khawmpi umsek pen hi a kitup zawk na ding leh Khanglai pawlte a ding bik ah gundeu ah mat ahi tak di dawisakna liantak tawh, NSSU leh KKP te khawmpi achuam gel in nei hita hen ti thulut um pen chu lem ti pi in tukum apat in khawmpi achuam gel ah nei ding ahi tau. Zia thupukna chu Standing in bawzui in Presbytery sung ah NSSU chu Oct. 9 & 10 sin leh mat ding ah District tin in ala guanggal tak ding ua phasak ala hi tai.

The **XVI**<sup>th</sup>

# MISSION & EVANGELISM

**K H A W M P I**  
Khuga Sadar Presbytery



Amun :- HQ, Church Tuibuang  
Ahun :- 09<sup>th</sup> - 11<sup>th</sup> March 2018

**Thupi :-**  
“..Hung galkai unla, Ei hung panpi un..”  
~Nasepte 16:9

*Amasa'n, Khuga Sadar Presbytery XVI<sup>th</sup> MISSION & EVANGELISM,  
KHAWMPI ei puitungtu Lalpa Pathian chu lopina chang masa taken.  
Zia Khawmpi hi lawting tak leh Pathian lopina dinga mat ahi  
theina dingin, kua zosia pang chiat dingin iki chial uh ahi.  
Khawmpi lawtinna dingin pauchapna'n he zing hitiu.*

Sd/-  
**REV. THANGLIANMANG**  
Moderator

Sd/-  
**REV. SIAMA PHALTUAL**  
Executive Sxretary

A ni thum(3) channa ni chu Jubilee nipi ahin, Pathian ni zingkal 7:30 AM in Sacrament hawmna Rev. H.L. Vena Tuithanak Bialtu Pastor in a nei hi. Vaiham kikhawp hun in Jubilee Suang hawmna Moderator KSP in a nei a, ziazawchun Jubilee Dak khetna KSP, O.B leh Pastor te PWF puitu lui leh thak ten a nei un. Zia zaw chun Hall sung ah hun mat a hi. Zia hun ahin PWF puitu eila mualliam san te sunna hun leh PWF puitu te Memento piakna Rev. B. Lala mapuina'n nei ahin, kikhawpna nawp tak ah mat ahi zaw in nitak lam in Luaithena nei a hi.

A tawpni zan in kipakman latna leh hawpdawna Upa Ginneithang in a nei a, zia zaw chun puitu thak ding te pauchap piakna Executive Secretary KSP in a nei in Upa Ginbeth Tuithanak District Chairman in Khawmpi khakna a nei in khawmpi chu khiakla um takin matzaw ahi tai.

Khawmpi hun sung in Devotion zosia chu Pastor Khaithian-dam in ei mapui piak hi.

Pathian thugentute ahileh -

- (i) Pi Rochhungi, (ii) Nu Tingnu,
- (iii) Nu Thianhoi, (iv) Rev. Siam Phaltual i/c PWF,
- (v) Nu Deem Melody out-going Chairperson ten Pathian thu ngainawp chum tak ei genpiak ui.

Programme hun sung ah Pathian chawihawi na la eisak piakte -

- (i) Saipum KKP, (ii) Tuithanak District KKP Choir, (iii) Khuga District KKP Choir, (iv) Nk. Hatshi leh Nk. Siami, (v) Nk. Tinghoilal leh Nk. Chinneikim Saipum, (vi) Tv. Thangliankhom Saipum, (vii) Pi Mami Nghathal te ahiu.

Zia Khawmpi na Fraternal Delegates hung pang thei te chu -

- (i) Tuithaphai PWF, (ii) Zou Synod PWF te a hui.

## PWF GOLDEN JUBILEE MATDAN REPORT CHAWMKIM-

I la thilzing uh PWF Golden Jubilee cum 6<sup>th</sup> Biennial Conference Saipum P.C ah “Lalpa thagau ziak bep in ahi”-Zach.4:6 ti thupi mang ah Dated 18<sup>th</sup> - 21<sup>st</sup> January 2018 sung ah kimang chu i leng ua pankhawmna zal leh Pathian mapuina zal in a kimatzaw thei tak zia kin ei lawtin saktu Pathian chu lopina chang ta hen.

Zia hun matna ah pauchapna, tha leh zung, sum leh pai leh programme lawtinna ding ah pan hung late zosia chungin PWF sikin la leng ua chung in kipakthu ka gen in, malam hun ale Pathian in taksa leh thagau in hun malsawm chiat ta hen.

### 1. Programme matdan tangpi :-

Zia khawmpi ahin tunkim zan 18<sup>th</sup> January 2018 ahin KSP Moderator Rev. Thanglianmang in Khawmpi hawna a nei in Khawmpi chu matpat in a um hi. Souvenir hawna Rev. S.T. Kaia Vaiphei, Exe. Secy Manipur Synod in a nei a, a zing a chun PWF Session thak ah puitu ding Mrs. Ngaineihat Chairperson KSP piak leh a kithuapi dingte telna KSP, O.B te mapuina nuai in nei a hi. A zaw in PWF Chairperson Mrs. Deem Melody leh Mrs. Ngaineihat Secretary te mapuina in Session thak a ding Vaihawmna lawting tak ah nei ahi.

A Ni ni(2) channa chun, Pro. Pastor Seilunlal leh Pro. Pastor D. Robert Thanga mapuina in Pathian thu leh la ah kigualsiakna nei ahin

### Bible kum 70 chunglam te -

(i) Saipum 1<sup>st</sup>, (ii) Leilon 2<sup>nd</sup>, (iii) Leisang 3<sup>rd</sup>.

### Bible kum 50 chunglam te -

(i) Salem 1<sup>st</sup>, (ii) S.Kotlian 2<sup>nd</sup>, (iii) Kangvai 3<sup>rd</sup>.

### Bible kum 50 nuailam te Group pakua(9) te lak ah -

(i) L. Mission veng (B) leh (A) 1<sup>st</sup> leh 2<sup>nd</sup>, (ii) Tangmual 3<sup>rd</sup>.



### KOCHUAM UPA ORDINATION THAK:

Kochuam gam ah Pathian belamte enkawltu ding ki belap to zel in, 59<sup>th</sup> Annual Session in lem ala ti taksa bawzui na leh suk butit na in i kochuam sung ua Kochuam Upa telna nei ala hi dungjui ah Pathian lemte pi ah chiato theng in, 60<sup>th</sup> KSP Annual Session in bangkim ah fel, tit leh hithei ah ala mu dungzui in, zia ki vaihawmna khawmpi sung Nisim 9<sup>th</sup> Dec.2017 Pathianni sun achun anuai ah Pathian mi suanum 3 te hi Pathian in a Kochuam enkawl ding ah ala guat suk butit na in Rev. Thanglianmang, Moderator, KSP in Ordination ala pia tai. Amau sia chu :

- (i) Upa Ginsuanthang s/o (L) Upa Pautinkai Nghathal Kochuam,
- (ii) Upa Jamlalven s/o (L) Thangliankap Lingsiphai Kochuam leh
- (iii) Upa Lalbiaklun @ D. Mina s/o Upa D. Siaklam Lingsiphai Kochuam te ahiu

## **THUSUAK CHUAMCHUAM :-**

### **KOCHUAM UPA TEL NA :**

A 60veina KSP Annual Session na ah kithugual na ala um dungzui ah KSP huapsung ah Kochuam Upa dawnte tel phalpiak na ala um dung zui in Dt. 7/1/18 ni hin telna nei ala hia, zia anuai ah gual hi ala ki tel dan chu ahi.

Sl.No.	Upa Dawn Kochuam	Upa dawnt zat	Tel dawnt zat	Teltin te	Teltu Palai
1,	Lingsiphai PC	1	1	Upa S.Khawma	Rev. HL Vena leh Upa Lamtinlal
2,	Tangmual PC	3	1	E.Upa Henthianlal	Rev. Paukhomang leh Upa Tinkholam
3,	Saipum PC	3	x	Telting lo	Upa S.Bela Capvung leh Upa Khomlunlal
4,	Leilon PC	5	5	(i), E.Upa Soineihau (ii) E. Upa Jangneimang, (iii) E. Upa Siamkhogin, (iv) E. Upa Nekneithang, (v) E. Upa Khupkhomang	Rev. Siana Phaltual leh Upa P. Boijoy Vaiphei
5,	L.Champhai PC	2	2	(i) E.Upa Khamkhanlun (ii) E.Upa Kamneilam	Rev. Thanglianmang leh Upa Tongneu
6,	T.Loklaiphai PC	1	x	Tel ting lo	Rev. B.Lala leh Upa LT Khup
7,	K. Vaiphei PC	2	x	Tel ting lo	Rev. ST Kaia leh P/P D. Robert Thanga

### **TISPARI MISSION FIELD LEH SEMTU THAK:**

Kochuam ten Pathian Lalgam na isep khawm nau Tispari Mission Centre mun ah semzing lai te kithuapi tu ding pawimaw mama ah I kochuam ki vaihawmna'n ala mu ban ah kithuapi tu ding guat piak be ding lem ala ti dungzui in Contract Basis ah kum khat sung semtu ding hawlbena ala kinei dungzui in anuai ah mi-tawmngai tegel hi Selection Commtt. chun ala pawmtai.

(i) Mr. Khamlawmsang s/o Upa Ginkholel of Saipum leh

(ii) Mrs. Abonmei Wuinilung Liangmei of Tispari ahiu. Amau gel hin ala semzing lai Tv. Lamlunson tawh kithua in zia centre hi mangcha in Pathian Lalgam na lopi taksep nawpna, amau apat lunglut na leh titak na leh guatna lopi tak umsa tawh ahun sep ngei uh dawisak na liantak ilan uh ahi.





## PASTOR PENSIONER TE LEH TU AH AUM NAU :

Sl.No.	Pensionerte min	A um nau
1,	Rev. Haukham	K.Salem, Tuithanak Dist.
2,	Rev. Tongtinthang	Compound Veng, Town Dist.
3,	Rev. Kh. Paukhomang	Gangpimual, Town Dist.

## PATHIAN AW CHU :

Lalpa aw chu tuite chung in a gi hen,  
 Lopina Pathian aw chu van gi gual in a gi duldul in,  
 Lalpa aw ngei chu, tui tamtak chung in a hung gii;  
 Lalpa aw chu thil hi thei tak ah'i'n,  
 Lalpa aw chu lopi na dim ahi.  
 Lalpa aw chun sidar thingte a thing bawng in,  
 Lalpa'n Lebanon tang ah sidar thing te chu  
 A thing bawng lem lum hi.  
 Lebanon tang chu bawngno gual in aki chawp sak ah,  
 Sirion chu le jangsial chal tuai gual in a ki chawp sak hi,  
 Lalpa aw chun meite a kuan daw sak ah,  
 Lalpa aw chun gamthip a kithin sak a;  
 Lalpa aw chun Kadesh gamthip le a thing sek hi.  
 Lalpa aw chun gangpi thingte a mut pai ah,  
 Gammaang chu le amut tiang hi.  
 A Tempul ah mi zosia chun "a lopi na e " atui hi.  
 Lalpa chu tuilian tak te chung ah Lal in aki chu hen;  
 Lalpa chu kumtuang aa ding ah lal in a ki chu tai.  
 Lalpa'n a mite hatna pia ta hen!  
 Lalpa'n amite thamuanna'n malzawl ta hen!

## PRO PASTOR TE INDUCTION &amp; POSTING:

Session in ala gelpuk nung ah Committee in ala bawzui  
 dungzui in Bial ah Pro Pastor te aum nau chawn ahi. Dt. 14<sup>th</sup> Jan.  
 2018 ni'n Pro Pastor D. Robert Thanga chu a umna ding Shillong  
 Kochuam ah thaklutna Rev. Thanglianmang leh Upa Tualkap ten  
 ava nei tau. Chun, Dt. 15<sup>th</sup> Jan. 2018 ni'n Pro Pastor Seilunlal chu  
 a umna mun ding Tangmual Dist Centre ah Rev. ST Kaia leh Upa  
 Khomlunlal (Moderator apawt) in thaklutna ala nei tau.

Chun, Pro Pastor Pauneithang chu Rev. Lallarmawia leh  
 Upa Thenkholal Baite ten nisim 4<sup>th</sup> March 2018 ni'n aumna mun  
 ding ah Presbytery in ala lemguat dungzui in Leilon PC ah thak-  
 lutna (Induction ) ala nei tau.

## CKKP CO ORDINATOR:

Standing Committee hiatpi leh phalpiak na dungjui ah guat  
 ah ala um CKKP Co Ordinator thak ding Pro. Pastor Seilunlal in  
 alui Pro. Pastor D.Robert Thanga khut apat in 22<sup>nd</sup> January 2018  
 ni'n Rev. Siama Phaltual, Youth In Charge hiatpi na'n charge ala  
 ta, a na le asem pan ngal tai.. Zia mawapuakna hi term 2018-2019  
 ading ahi.

## ENVELOPE CHUNGCHANG AH SEMINAR :

60<sup>th</sup> Annual Session lemsakna dungjui ah Envelope matdan  
 chungchang ah District tin ah Seminar nei ala hia. Rev. ST Kaia  
 Vaiphei in 'Envelope mat dan ding chungchang' leh Upa Khomlu-  
 nlal in 'Envelope matna ding ah malakna ding khenkhatte' ti thupi  
 manggel in, zia anuai ah gual ahin nei ala hia, Pathian zal ah law-  
 ting tak ah chai ala hi tawh kitawn ah laawting tak ah matthak ahi  
 ngei kilamet aum hi.

(i) Dt. 26<sup>th</sup> Jan. 2018 . Tuithanak Dist. Centre Tangmual PC ah nei

ahia, Mi 34 apang thei ui

(ii) Dt. 27<sup>th</sup> Jan.2018 Town Dist. Dist.Centre Nghathal PC ah nei ahia, mi 39 apang thei ui.

(iii) Dt. 30<sup>th</sup> Jan. 2018 Khuga Dist. Centre, Kangvai PC ah nei ahia, mi 18 apang thei ui.

(iv) Dt. 1<sup>st</sup> Feb. 2018 Sadar Dist. L.Champhai PC ah nei ahia, mi 49 apangthei ui.

#### **KSP OFFICE AH PANMUN KITHENGKUAL :**

KSP Office ah semtu kidailo deu ah gelna aum dung zui ah contract basis ah semtu lakbe ding thu chu Session chun alemsak nailo phawt dungzui in asung ah semte panmun leh tuklai te neu-khat kithenkual na ala um hi.

Account Section ah sum leh pai lam ah chia dan kitupzaw ah etkawl ngimna in Upa P Siana in Accountant maw paw ta'n tin, Upa P. Siana mawpuakna dang cheng Executive Secretary in apuakkhawm tak ding ahi ban in Dept. tin apat sum leh pai lut (Receipt) zosia Nk. Chinnu in apuak tak ding ah lep thak ahi tai. Zia Office sung mawpuak nate hi March 1, 2018 apat thuthak um masia zui ding ah lemsak ala hi tai.

Chun Session lemgel na dung zuiin Finance Officer lui Upa Siaktinmang apat in athak Upa Liansawmthang in Finance Officer thak hina charge ala tai.

#### **SUNDAY SCHOOL TEACHERS' TRAINING:**

KSP huapsung ah kochuam/Biak Inn tin ah Piting Sunday School hotute (Teachers) Training nisim 16<sup>th</sup> Feb. 2018 ni khan HQ Church Tuibuang ah nei ala hi. Zia hun ahin Rev. Lallarmawia leh Rev. Thanglianmang ten ziltitu ah ei pan piak ua, mi 36 te chiakhawm in lawting tak ah matzaw ala hi tai. Training ah pangte cheng in thilthak leh pandan thak ahiatbe teu kochuam tin in ila

#### **TU LEH TU AH PASTOR TE LEH PRO. PASTOR TE AUM NAU :**

I Kochuam sung ah I Pastor teu tu leh tu ah aum nau chu zia anu-ai ah gual hi ahi.

Sl. No.	PASTORTE LEH PRO. PASTOR	Seplai leh tutklai	Sep hun sung
1	Rev. HL Vena	Tuithanak Bialtu Pastor	2017-2020
2	Rev. S T Kaia Vaiphei	Town District Bialtu Pastor	2018-2020
3	Rev. B Lala	Khuga District Bialtu Pastor	2017-2020
4	Rev. Thanglianmang	Sadar Dist. Bialtu Pastor -cum-Mod-erator KSP	2017 - 2020 (Moderator 2018)
5	Rev. Siana Phaltual	Exe. Secy, KSP	2017-2020
6	Pro. Pastor Lienthienmang	Under M.Th course at ATC	2017 - 2019
7	Pro. Pastor D. Robert Thanga	Shillong Kochuam enkawltu; under Rev. S T Kaia	2018
8	Pro.Pastor Seilunlal	Tangmual, Town Dist,. Under Rev. HL Vena -cum-Co Ordinator, CKKP, KSP	2018
9	Pro Pastor Pauneithang	Leilon, Sadar Dist. Under Rev. Than-glianmang	2018
10	Pastor Kaiminlian	Chaplain, John Calvin Academy	

## CKKP GOLDEN JUBILEE A DING KISINGSAKNA CHIA ZAWM ZEL :

Pathian lem tipi kinem ah ahungtung ding January 2019 ah Leilon PC ah CKKP in Golden Jubilee lawp ding ah thupukna ala umsa bawzui na ah Committee in theitawp sua ah pan alak nate chu chia zawm zel in, maban kinem umtak tawh ma hawitak in asawn zel ui. Jubilee ading ah nu leh pa tawmngai tak takte beploh ah Khrista ah Khanglai tawmngai tak tak te lak ah Ginna thutiam ala bawl uchu sunzawm to zel in tu leh tu dinmun ahin atamzaw phial in Pathian hatna suang ah akitep teu asu buting to zel tau ti thu dawn ahi. Zia bep chu hilo in, ala kitiam khalo Khanglai tawmngai taktak te apat in le kitep lawk um sese lo in, ahiaht hiat ua asum ah thei dan chiat ah pelut ziang le hunkhawp aum un, Lawi upate thathaw tu poimaw mama in apang ui ti thu le dawn ahi. Thu dawn na chun, Sadar District lam ah nu leh pa te tawmngaina leh dawisakna thupi mama hi'n le agen hi. Pathian min lopi na ding ah thei dan chiat ah apang nailo te le pang zawm zelding in lawi upa lam apat in ngekna a um hi. Chun, Golden Jubilee ading ah Sub Committee chuamchuam te'n le pan hawitak ah alak to ziak un CKKP chun lungdam thu apuang bawh hi.



CKKP Golden Jubilee zintuntu ding Leilon P.C Local Committee te tawh CKKP O.B te Golden Jubilee ding thu holimna a hia, zintuntu kochuam in Jubilee lawpna ah Sial khat leh Vok khat tuak ding ahiu.

mat phatchuam pi ngei uh kinem aum ahi. Chun NSSU Teachers' Training chu nisim 9<sup>th</sup> January 2018 ni'n HQ Church Tuibuang mun ah mat ala hia, zia hun ahinle hotu tawmngai tamtak te apang thei ua, kipak aum mama hi. Tunung ah hung khanglian ah I kochuam ah Pathian matchak lopi tak hung hiding naupang tamtak ten a phatchuam pi ngei uh ikinem ahi.

Chun tukum Sunday School ah NSSU leh Pitingte Kumkim Exam ni ding chu 8<sup>th</sup> July hintin, Kumtawp exam ni ding chu Piting te 23<sup>rd</sup> Sept. 2018 ni hintin, NSSU te ahiu leh 16<sup>th</sup> Dec. 2018 hi ding ahi.

Tukum 2018 Sunday School Exam hun tak leh a Question Paper siam ding in anuai ah gual hi hiding ahi. Piting te : Rev. Thanglianmang, Beginner leh Primary pawl te Pro. Pastor D.Robert Thanga, Junior leh Intermediate te Pro. Pastor Seilunlal leh, Senior leh Sacrament te a Rev. B Lala te hiding ahiu.

## PWF CO ORDINATOR THAK :

Presbyterian Women Fellowship KSP in hun bangchan ahem ala chia pi tak uh Full Time Secretary ala kiti sek pen chu vaihawmna ah thupuk na aum tak dungjui in PWF Co Ordinator ti ah then ahi tai. Zia mawpuakna chu semtu ding kochuam sung ah mi hawl na leh Personal Interview Dt 19<sup>th</sup> Feb.2018 ni ah nei ala hi nung in Nk Tinglemthiam d/o Upa Ginneithang , Saipum Kochuam chu ting ah mu in PWF (KSP) Co ordinator thak ding ah lak ahi tai. Tichun, alui Nu Tingnu apat in athak Nk. Tinglemthiam in Co Ordinator hina na chu Dt. 6<sup>th</sup> March 2018 apat charge la in na sem pan ta ding ahi tai. Zia mawpuak na hi December 2018 chan hi ding ahi. Ama hi chawlkal (Week) khat sung ah nithum, tichu, Tuesday, Wednesday leh Thursday cheng leh office kai zel sek ding ahi tai.



**TOWN DISTRICT PWF CAMP :**

Town District PWF in vaihawmna ah lem ala gel dungjui ah District PWF Camp asai uh chu a hungtung ding nisim 24<sup>th</sup> to 28<sup>th</sup> April sung Gilead Tlang, Kawnpui mun ah nei ding ahi tai. Zia hun ahin main speaker ding in thagau ah kilakna nei, Evangelist Nk. Lalnunsangi @Sangteii, tu leh tu ah Mizoram ah um hi ding ahi. Zia camp hi alawtin thei ngei na ding in pauchapna ah delzui zing a pawimaw hi.

Zia Camp masang Dt. 20<sup>th</sup> & 21<sup>st</sup> April ni te ahin Crusade Nghathal P.C ah nei ding a hui. Kuale thagau ah gilkiel leh dangc-hak tapo te a dingin zia Camp hi panthei a hi thu lawi upate apat hiat a hi.

**TOWN DISTRICT SEMINAR :**

Achiata 24<sup>th</sup> Feb.2018 ni khan Town District in Kochuam chia dan leh Account Maintenance lam tawh kisai in Seminar ala sai hi. Zia hun achun Resource Person in Rev. Siana Phaltual leh Upa P. Boijoy Vaiphei te a pang ua, lawting tak leh lawktak ah matzaw ala hi tai.

**PRO. PASTOR THAK :**

KSP sung ah semding Pro Pastor post thak khat siam be ding ah Session in pha ala sak dungzui ah semtu thak ding Pro Pastor thak khat lakbe ding ti ah ei kochuam sung ah mi ngei, ahi thei ding leh anuam tapo ading ah hun lemchang piak ala hi tawh kitawn in, A ki dawt gual ngei ah etthaak leh bawzui ah ala um in, thil bangkim ah chetna te ah tit ah mu ahi dungzui in leh Synod Committee tiang in ting ah apawm tak dungzui in KSP sung ah Pro. Pastor thak ding in Mr. Pauneithang s/o Pu Kham-

-liankap of Saipum chu 41<sup>st</sup> Annual Session hun nisim 11<sup>th</sup> Feb. 2018 ni'n Manipur Presbyterian Church Synod Moderator Rev. Lalthantluanga in ala siam tai.

Chun ama Pro Pastor Pauneithang hi Rev. Lallarmawia leh Upa Thenkholal Baite ten nisim 4<sup>th</sup> March 2018 ni'n aumna mun ding ah Presbytery in ala lemguat dungzui in Leilon PC ah thaklutna (Induction ) ala nei tau.

**BIO DATA****Min - Pauneithang Vaiphei**

Pa Min - Khamliankap, *Chief Of Saipum*

Nu Min - Phalneikim

Qualification - B.A; B.D (2017)

D.O.B - 15<sup>th</sup> Dec. 1981

Khua min - Saipum

Kochuam min - Khuga Sadar Presbytery (KSP).

**Sepna** - Probationary Pastor in Khuga Sadar Presbytery

**Installation kum leh amun** - 41<sup>st</sup> Synod Session at Kawnpui P.C (T.P); 11<sup>th</sup> February 2018(Sunday)